

雜物宜悉収之，即遣使固守三關。○中略此夜押勝走近江，官軍追討。丙午，高野天皇勅，今聞逆臣惠美

仲麻呂盜取官印已逃去者，忝爲人臣，飽承厚寵，寵極禍滿，自陷淫。○淫一本作深仍復却略愚民，欲爲僥倖，

若有勇士，自能謀計，急爲剪除者，即當重賞。壬子，軍士石村村主石楯斬押勝，傳首京師。押勝者，近江

朝內大臣藤原朝臣鎌足曾孫平城朝贈太政大臣武智麻呂之第二子也。率性聰敏，略涉書記。○中略天

平六年授從五位下，歷任通顯。勝寶元年，至正三位大納言兼紫微令中衛大將樞機之政，獨出掌握。由

是豪宗右族，皆妬其勢。寶字元年，橘奈良麻呂等謀欲除之，事涉廢立，反爲所滅。其年任紫微內相，二年

拜太保，優勅加姓中惠美二字，名曰押勝，賜功封三千戶田一百町，特聽鑄錢舉稻，及用惠美家印。四年

轉太師，其男正四位上眞光，從四位下訓儒麻呂，朝竊並爲參議，從五位上小湯麻呂，從五位下薩雄，辛

加知，執棹，皆任衛府關國司。其餘顯要之官，莫不姻戚，獨擅權威，猜防日甚。時道鏡常侍禁掖甚被寵愛，

押勝患之，懷不自安，乃諷高野天皇爲都督使，掌兵自衛。准據諸國試兵之法，管內兵士，每國二十人，五

日爲番，集都督衛，簡閱武藝，奏聞畢後，私益其數，用太政官印而行下之。大外記高丘比良麻呂懼禍及

己，密奏其事，乃収中宮院鈴印，遂起兵，及其夜，相招黨與，遁自宇治，奔據近江。○中略官軍攻擊之，押勝衆

潰，獨與妻子三四人，乘船浮江，石楯獲而斬之，及其妻子，從黨三十四人，皆斬之於江頭。第六子刷雄以

少修禪行，免其死，而流隱岐國。

〔續日本後紀十二〕承和九年七月己酉，是日春宮坊帶刀伴健岑，但馬權守從五位下橘朝臣逸勢等，謀

反事發覺，令六衛府固守宮門，并內裏遣右近衛少將從五位上藤原朝臣富士麻呂，右馬助從五位下

佐伯宿禰宮成，率勇敢近衛等，各圍健岑，逸勢私廬，捕獲其身。○中略先是彈正尹三品阿保親王緘書上

呈嵯峨太皇太后，太后喚中納言正三位藤原朝臣良房於御前，密賜緘書以傳奏之。其詞曰：「今月十日

伴健岑來語云：「嵯峨太上皇今將登遐，國家之亂在可待也，請奉皇子。○皇太子恒貞入東國者，書中詞多，不可

具載。」庚戌，遣參議從四位上左大辨正躬王，參議從四位上右大辨和氣朝臣眞綱於左衛門府，推勸